

MINAFON EUCHEAN TUMWUNUN EKKWE CHON RENT

Ewe Oregon Legislature aa pwan pasini ew minafon tumwunun ekkewe chon rent non HB 2001 (2023). Fan enurun ei minafon ennu, ekkewe chon rent mi or ar kewe euclean pwung mi tongeni anisir seni eviction faniten ese kamotiw ar kewe niwinimangen rent, fees, ika ekkewe pwan ekkoch niwinimang ngeni nour kewe soufenu. Ekkei minafon pwung mi pachenong:

- Esinesinen katano faniten ese mwusutiw niwinimangen rent iwe repwe ngonuk **epwe 10 ranan** ekkewe chon rent repwe menatiw ar kewe rent aa mang me kamotiw me tongeni nomw non imwer kewe.
- Ika pwe ekkewe chon rent ir mi tongeni repwe menatiw ar kewe niwinimangen rent mwirin aa pwopwuta ewe case non imwen kepung, nge epwe fen mwen ewe trial, iwe ewe eviction mi tongeni epwe kamworono.
- Ika pwe ekkewe soufenu ra epeti seni ekkewe chon rent ar repwe menatiw ar kewe rent non sokopaten anen ar repwe menatiw, pachenong ar resapw pwan angang fengen me ekkewe chon aninis ren rent, iwe ekkewe chon rent mi or ar defense me non ewe eviction ren faniten ese kamotiw ar rent.

Ekkewe esinesinen katano faniten ese kamotiw niwinimang ren rent iwe repwe ngonuk 10 ran omw kopwe menatiw

Fan enurun ei minafon ennu, ekkewe chon rent re kan rent seni ew maram ngeni ew maram ika or ar lease iwe mi or ar pwung ngeni ewe 10 ran esinesin mwen ewe soufenu epwe tongeni atouwok faniten ese kamotiw rent. 72-awa esinesin ese chiwen mwumwuta ren ese pwan nifinifin tenancy me nukun chok ekkewe week-ngeni-week re kan tenancies. Ika pwe ewe chon rent aa mang me menatiw unusan atun ewe 10-ranin esinesin, iwe ewe soufenu ese tongeni epwe file ewe eviction anongonong won an ese kamotiw rent. Ika pwe ewe soufenu aa ngonuk ewe 72-awa esinesin ren faniten ese kamotiw rent, iwe ewe chon rent mi tongeni epwe or ar defense non ewe eviction case.

Ekkewe chon rent ir mi tongeni repwe menatiw ar kewe niwinimangen rent mwirin aa pwopwuta ewe eviction case

Ina mwo ika ewe soufenu aa fen pwopwutani ewe eviction case, ewe chon rent mi or an pwung an epwe menatiw ekkewe niwinimangen rent me fori met ewe eviction case epwe kamworono ren. Soufenu ese pwan chiwen or ar pwung ar resapw angei ekkewe memen rent ika pwe ewe fansoun omw kopwe menatiw aa nuseni me non ewe taropwen esinesin. Ekkewe chon rent iwe aa or fansoun repwe menatiw ar kewe niwinimang tori ewe fansoun trial ngeni nour ewe soufenu ren met epwe kamotiw me met aa fen afatetiw me non ewe taropwen esinesin.

Soufenu rese pwan tongeni resapw angang ngeni ekkewe chon awora aninis.

Ika pwe ewe soufenu ese mwochen repwe angang fengen me ekkewe chon awora aninis ren rent, iwe aa fori met ewe chon rent ese kamotiw an ewe rent, iwe aa or an ewe chon rent defense me non ewe eviction anongonong won ewe nonpayment. Ika pwe ewe soufenu aa pwan fori met ewe chon rent esapw menatiw ika tiketiw memen an ewe rent non pwan ekkoch sokopaten anan, iwe ewe chon rent aa pwan or an defense.

Aninisin Legal mi Kawor!

Ika pwe kopwene no non imwen kepwung faniten ese mwusutiw omw niwinimang, iwe ka ekieki nge noumw ewe soufenu ese fiti ennu, iwe kopwe mwitir kokori Eviction Defense Project. En mi tongeni kopwe kokori ewe Eviction Defense Project ren ewe nampa 888-585-9638 iwe wattiw omw ena message Sarinfan-Enimwu seni kunok 9-1PM. En mi pwan tongeni kopwe amasowa en web form wont <https://oregonlawcenter.org/eviction-defense-project/> ese pwan nifinifin ika inet.

Ika pwe ke mwochen fos ngeni emon souennuk faniten omw kewe pwung, iwe en mi tongeni kopwe kuta an kewe contact information ren ewe legal aid ofes mi chok nomw unukumw won <https://oregonlawhelp.org/find-legal-help>.